

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

58. Qualiter concipienda supplicatio in impetratiōne beneficii vacantis ob ingressum Religionis, & hæc causa narrata justificanda.
-

[urn:nbn:de:hbz:466:1-74494](#)

per assumptionem habitus ; ingressus in religionem non nisi per professionem , seu emissionem 3. votorum substantiarum solennium , intellige , extra societatem Jesu. hoc supposito,

Respondeo secundo: Conversum professum hoc ipso amittere per talem professionem beneficia ; Conversi vero non professi beneficia, si qua habent, non videri eo ipso per talem ingressum amitti, pari ferè ratione, quā paulo post dicetur de novitio ; licet enim Conversus, ut ait Lott. loc. cit. n. 18. per transitum ad Ecclesiam regularem intelligatur vovisse , & renunciare propriis, ut gl. in cit. c. ut lex. possit videari transivisse ad statum incompatiblem cum beneficio ; id tamen non intelligendum , nisi quando secuta esset formaliter emissa illa obedientia monachalis, æquipollens professioni, ac si evaderet Conversus professus.

Quæstio 54. An videntur beneficia per ingressum monasterii, seu per Novitiatum , præcipue, si is ultra tempus consuetum produceretur?

Respondeo ad primum negativè: seu novitium retinere sua beneficia. Caltrop. loc. cit. n. 3. Lott. cit. q. 26. à nu. 10. & n. 24. cum communī, constat expreſſe ex cit. c. beneficium, de regulari. si quidem ante professionem expreſſam seu verbalem, vel tacitam non potest prætendī status ille incompatibilis impressus, cum novitius (ut cum gl. in cit. c. beneficium, v. conferre inquitur Nav. conf. 4. de Sacramenis non iterand. Sayr. in floribus, decis. 14.) teneat medium quendam statum inter secularem & religiosum, & sit quasi dubius de statu suo futuro. Lott. n. 10. & 11. adeoque non tantum retinet suum beneficium, sed etiam est capax aliorum, sique illi conferantur. Lott. nu. 13. de quo postremo actum à nobis alibi. Unde etiam, sicut ingressus monasterium , receptusque ad habitum, si quidquam conferat, dicitur monasterio, & mox ad facultam regreditur, omnia donata habet ut prius, resoluta donatione , etiam citra aliquod pactum. Lott. n. 23. citans Nattam. conf. 180. n. 5. Dec. cons. 56. nu. 5. Rodriq. de regulari. tom. 2. q. 48. a. 12. &c. ita etiam remanet cum suis beneficiis, etiamsi ea resignavit sponte, sub iis nempe circumstantiis, de quibus c. beneficium. & sub ea forma & tempore, quæ præscribit Trid. sess. 25. c. 16. de regulari. dicitur enim ibi; quod ea resignatio fortuita non sit effectum, nisi secundū professione, adeoque suspenſa manet executio, donec facta sit professio , tametsi, facta professione non dicatur in eo casu vacare beneficium per professionem, sed per factam resignationem ante professionem. Lott. n. 25. Verum an & qualiter ingressus, vel ingressurus monasterium resignare possit, de hoc infra.

Quæstio 55. An videntur si novitiatus produceretur ultra consuetum tempus?

Respondeo: dum absoluто consueto Novitiatus tempore is prorogaretur, non censetur adhuc vacare novitii beneficium ; tum quia prorogatio Novitiatus fit cum qualitatibus ibi propriis : tum quia facta hac prorogatione , liberum est Novitio ad seculum redire ; si autem tempore illius prorogationis amitteret beneficia, per hoc diminueretur illa libertas. Caltrop. cit. nu. 3. citans Sanch. in Decalog. l. 7. c. 4. n. 6. Maudos, in casibus Annalibus, n. 63. c. 192, proceditque id ipsum non so-

lum, ubi ex justa causâ prorogaretur Novitiatus, v. g. dum ei, qui anno 14. atatis ingressus Novitiatum absolvendum intra annum Novitiatus prorogatur ad annum 16. quia ante hunc nequit emittere professionem juxta Trid. non vacant illius beneficia secundo illo anno prorogati Novitiatus. Caltrop. cit. n. 3, citans Sanch. ubi ante. & Lancelot. inst. juris can. l. 1. cit. de regulari. §. est contigerit; Verum etiam, ubi absque causa prorogaretur, & differretur professio; quia solum cautum, ut professione videntur beneficia. Caltrop. loc. cit. n. 4. qui tamen ait, in hoc casu posse Episcopum, cui beneficium Novitii subjicitur, agere contra novitium tanquam illegitimè absentem, & procedere usque ad beneficij privationem, quod intelligendum de beneficij residentiam requirentibus.

Quæstio 56. Ad quem ergo spectent fructus beneficij retenti à Novitio tempore Novitiatus?

Respondeo: fructus perceptibles ex illo beneficio in absentia, acquiruntur Novitio, utpoter qui verè retinet titulum & possessionem beneficij, & is de iis tanquam de bonis propriis disponere potest. Garc. p. 11. c. 9. nu. 28. Caltrop. loc. cit. n. 5. citans Sanch. ubi ante. n. 18. Suar. tom. 3. de relig. l. 5. c. 16. n. 12. In beneficiis vero iis, quæ fructus non habent in absentia, ut in Canonicibus & præbendis , quorum fructus residendo luctant, non lucrabitur Novitius interim fructus. Garc. loc. cit. num. 31. idem est de distributionibus quotidianis, anniversariis, & similibus personalem residentiam requirentibus; hæc Novitio non debent concedi; adeoque non reputatur ut præsens; cum Novitiatus non sit ex caulis a jure expressis , ob quas absens reputari debet pro præsente, etiam in ordine ad hunc effectum. Caltrop. Suar. Garc. loc. cit. Porro quid sit circa electionem, & nominationem, quæ etiam sunt fructus beneficij, an vocandus, nec ne sit Novitius ad eas, dictum est in tr. de elect. vide Caltrop. loc. cit.

Quæstio 57. Quid sit circa administrationem beneficij in vere tempore?

Respondeo: beneficium novitii, si opus est (hoc est si servitium requirat) tempore probacionis administrari debet per Vicarium , congruā illi portione fructuum assignatā. Laym. ad c. ex transmissa, de elect. num. 4. remittens ad seipsum l. 3. Th. mor. tr. 5. c. 7. q. 5. Garc. p. 11. c. 9. n. 29. qui etiam n. 30. addit, quod si curatum sit beneficium, deberet obtainere licentiam Ordinarii in scriptis, juxta decretem Trid. sess. 23. c. 1. & si Ordinarius noller eam dare, esset appellandum & recurrentum ad Superiorē.

Quæstio 58. Qualiter concipienda supplicatione in impetracione beneficij vacantis ob ingressum religionis, & hæc causa narrata verificanda?

Respondeo ad primum: debet narrari ingressus monasterii vel domus regularis, ac insuper addi, talem in ea domo professionem emissi. Lott. l. 3. q. 26. n. 29.

2. Respondeo ad secundum primum: debet emissio professionis verificari coram executori. Lott. n. 30. juxta decis. Gregor. 382.

3. Secun-

3. Secundò : videtur sufficere probatio semi-plena per famam. Lott. n. 31. dicens, sic videri supponere dictam Gregor. decis. Et sic videri voluisse Rotam decis. 1119. n. 1. l. 3. p. 3. divers. Idque, dum ipse ingressus religionem non contradicit ; jam enim agitur de nullius, vel certè modico ejus præjudicio; cùm quandocunque declaratà nullà professio-ne, repetitur sit suum beneficium. Lott. n. 32.

4. Tertiò : tametsi àquè obliget professio tacita ac expresa; quia tamen longè fortior (intellige ad generandam certitudinem) reputetur professio verbalis, & expressa propter formalem votorum emissionem; utpote quæ non admittit exceptionem vis & metus (etiam si præcesserit protestatio, nisi cum hac qualitate, quod metus talis sit, qui cadat in virum constantem) & debilior professio tacita, etiam quæ fit ex delatione habitus, utpote quæ non effertur ultra vim probationis præsumpta ; & hinc admittit exceptionem praexistentis metus cuiusvis, de quo protestatum, ut Innoc. Abb. in c. 1. de his, que sunt metus causæ: hinc, inquam, perpendenda diligenter sunt per impe-trantes ex hac vacatione, quæ dicta sunt supra de professione tacita. Lott. n. 48. prater qua & illud est, quod ait Lott. n. 45. citato pro hoc Gemin. in c. non solum. nu. 6. de regular. in 6. & Abb. in clem. Clerici. n. 3, licet multa sint signa, ex quibus colligitur unus profitendi, nihilominus nullum ex his attendi, si extra Conventum fiat.

Quæstio 59. An, & qualiter vacet beneficium per militiam seculararem?

1. R^Espondeo primò : vacat ipso jure per hoc, quod quis ingreditur militiam, seu fit miles secularis. Paris. de resig. l. 1. q. 1. n. 22. Lott. l. 3. q. 26. n. 84. Gonz. gl. 14. nu. 36. & gl. 15. nu. 54. qui omnes tres circa gl. in c. ult. de Cleric. non resid. v. redierint. Gigas. de pension. q. 55. n. 2. Julius Clar. in pr. crimin. & fin. q. 73. &c. Item Azor. p. 2. l. 7. c. 16. q. 12. in fine. Tond. p. 2. c. 5. §. 5. nu. 19. & ple-niū p. 2. c. 74. n. 12. Barb. l. 3. juris Eccles. c. 14. n. 41, qui AA. omnes dant eandem rationem, quæ est in contrahente matrimonium ; nempe quod talis assumendo statum illum militiae secularis incompatible cum beneficio, hoc ipso censetur habere beneficium pro derelicto, & illi tacite renunciare. quod usque adeo verum est, ut si ex integrō redeat ad clericatum, non recuperet beneficium, quamvis illud nondum alteri esset collatum ; quia jam per militiam fuit inducta vacatio, quæ sine nova collatione non extinguitur. Barb. loc. cit. & Ricciull. de jure personar. l. 7. c. 5. n. 17.

2. Respondeo secundò : idem procedere in beneficiato in sacris constituto ; ut id infertur ex dictis de talis contrahente matrimonio ob eandem rationem ; quamvis contrarium tradat Barb. loc. cit. n. 32. ex Ricciull. ubi ante n. 31. ubi is post multos, quos refert, resolvit, in clero in sacris constituto non censeri per hoc ipsò jure inductam vacationem beneficiorum ; sed magis venire inducendam per sententiam.

3. Respondeo tamen tertid : contra eundem Ricciull. in quantum apud Barb. loc. cit. nu. 19. & 20. dicit, quod etiam si talis beneficiatus, postquam fuerit in matriculam militum inscriptus peniteat, & paucis post diebus, antequam sava exercet, deposito cingulo militari iterum vestes clericales re-asumat, adhuc tamen dicatur receffisse à statu or-

dinis, hoc est, clericali, ita ut nova clericalis habitus realsumptio ad recuperanda beneficia, quæ ante militiam obtinebat, & per eam ipso jure vacarunt, ipsi non sufficiat : limitandam videri responsionem primam; nempe quod beneficiatus per hoc præcisè non fit privatus ipso jure beneficis, aut illis tacite renunciasse censetur, quod se militia seculari adscribi fecit, nisi in super militiam sequatur, & arma militaria exerceat; ac proinde, dum Gl. in c. sui, de cleric. non resid. dicit, quod ex quo quis factus est miles, censetur habere Ecclesiast. pro derelicto, & quod Episcopus statim ejus beneficium conferre possit, id intelligendum cum effectu, nempe quando exercet in effectu militiam, ita ut sola descriptio non sufficiat ad privationem ipso jure. Tond. cit. c. 74. n. 13. & 15. citans pro hac limitatione. Rebulf. in tr. de nominat. q. fin. nu. 18. &c. eamque confirmans ex eo, quod militia clericis solo jure positivo Ecclesiastico interdicta; quæ tamen confirmatio non est solida ; cùm plura prohibeantur clericis solo jure positivo Ecclesiastico, sub pena tamen privationis ipso actu. Eadem limitationem tradit Azor. loc. cit. dum ait: si beneficiarius miles factus, ad bellum progressus, in eo dimicat, hoc ipso beneficium pro derelicto habere intelligitur, & Ordinarius potest illud alteri conferre. Idem tradere videtur Lott. loc. cit. n. 90. ubi ait, hec quodad hanc penam amissionis beneficium ipso jure non ita de plano procedere intelligerem, saltem ubi ad sava non est devenutum, nisi tamen vel ipsa solius habitus clericalis abiectione hanc penam hodie inferret ex constitut. Sixti V. sub dato 5. idus Januarii. 1528. quæ in Bullario novo est 92. verum de hoc postremo inferius, vide tantisper de hoc Lott. cit. n. 90.

Quæstio 60. An, & qualiter vacet beneficium per captivitatem, maximè diutinam, & apud infideles, vel incarcerationem perpetuam, quæ referri posse videntur ad mortem civilem?

1. R^Espondeo ad primum negative : C. Luca. de benef. d. 16. à n. 11. neque enim Christiani, dum ab infidelibus, aut hereticis in odium fidei capiuntur, eorum servi efficiuntur, aut iura sua civilia vel Ecclesiastica amittere censendum est. Laym. ad c. si Episcopus. de suppl. negli. Prelat. in 6. dum autem cit. c. si Episcopus. dicitur, quod Episcopo in captivitatem redacto Ecclesia vacare censetur, & jurisdictio ad Capitulum devolvatur, non declaratur, Ecclesiam per Episcopi captivitatem verè viduatam ; quia sit ita est, diffronterutique, eam de novo pastore, seu sponsō providendam esse ; jam verò in cit. c. solū adhibetur remedium provisionale, quod non solum intrat ob impedimentum resultans à captivitate, sed etiam ex quocunque alio (puta amentia vel profecione Episcopi in partes remotas, non constituto vicario, ut Laym. loc. cit.) ob quod Capitulum suscipit Ecclesia administrationem, donec à Sede Apostolica aliud ordinetur, C. Luca. loc. cit. n. 11. licet tamen tunc perinde censeri debet, ac si sedes vacaret, Laym. loc. cit. & in casu hujus impedimenti adhibiri videatur & soleat terminus viduitatis ; id tamen sit per quendam improprum loquendi modum ; quemadmodum, et si mulier habens virum captivum, vel etiam deportatum, aut ad tritemes damnatum, aut capitaliter bannitum, reputatur vi-das,